



Na osnovu člana 37. Zakona o izvršenju kaznenih sankcija, pritvora i drugih mjera BiH – prečišćen tekst („Službeni glasnik BiH“, broj 22/16), a u vezi sa članom 61. stav (2) Zakona o upravi Bosne i Hercegovine ("Službeni glasnik BiH", br. 32/02, 102/09 i 72/17), ministar Ministarstva pravde Bosne i Hercegovine donosi

**PRAVILNIK O
DOPUNI PRAVILNIKA
O ZVANJIMA, USLOVIMA I STRUČNOM ISPITU ZA STICANJE ZVANJA
U ZAVODU ZA IZVRŠENJE KAZNENIH SANKCIJA, PRITVORA I
DRUGIH MJERA BOSNE I HERCEGOVINE**

Članak 1.

U Pravilniku o zvanjima, uslovima i stručnom ispitu za sticanje zvanja u zavodu za izvršenje kaznenih sankcija, pritvora i drugih mjera Bosne i Hercegovine broj: 01-02-2-10044/19 od 1.11.2019. godine (u daljem tekstu: Pravilnik), iza članka 2. dodaje se novi članak 2a., koji glasi:

„Članak 2a.

(Pristupanje ispitu za sticanje zvanja zbog naročitih sposobnosti)

- (1) Ispitu za neposredno više zvanje pripadnik Službe može pristupiti i prije isteka roka iz člana 2. stav 1. i 2. ovog pravilnika ukoliko kumulativno zadovoljava slijedeće kriterije :
 - a) da se svojim zalaganjem na radnom mjestu na koje je raspoređen posebno iskazao, a što je konstatovano sa najmanje dvije pismene zabilješke ili preporuke neposredno nadređenog ;
 - b) da se svojim zalaganjem istakao od ostalih kolega istog ili neposredno višeg zvanja;
 - c) da nije ocijenjen ocjenom »ne zadovoljava« u zadnje četiri godine ili od trenutka dolaska u Zavod, ukoliko od početka rada nije prošlo četiri godine;
 - d) da mu nije izrečena kazna za povredu službene dužnosti;
- (2) Odredba stavka (1) ovog članka se ne primjenjuje na pripadnike Službe koji su u zvanju ovlaštenog zavodskog službenika.
- (3) Procedura dodjele zvanja zbog naročitih sposobnosti iz ovog članka, pokreće se odlukom Upravnika Zavoda na obrazloženi pisani prijedlog načelnika Službe osiguranja.
- (4) Dodjelu zvanja zbog naročitih sposobnosti, pripadnik Službe stiće ako je položio ispit za to zvanje, ako je upražnjeno radno mjesto za koje je kao stručni uvjet propisano to zvanje i ako je postavljen na to radno mjesto.
- (5) Ukoliko pripadnik Službe ne položi uspješno ispit za zvanje koje je predloženo zbog naročitih sposobnosti, ima pravo redovnog unaprijeđenja kada stekne uvjete iz članka 2. ovog Pravilnika.
- (6) Za zvanje koje je pripadnik Službe stekao po osnovu naročitih sposobnosti, utvrđuje se probni rad od godinu dana, nakon kojeg pripadnika Službe, na obrazloženi prijedlog zapovjednika smjene, ocjenjuju načelnik Službe osiguranja i upravnik.

- (7) U slučaju da ocjena probnog rada iz stavka (6) ovog članka bude „zadovoljava“, pripadnik Službe ostaje u dodijeljenom zvanju i ima sva prava koja mu u skladu s tim pripadaju.
- (8) U slučaju da ocjena probnog rada iz stavka (6) ovog članka bude „ne zadovoljava“, pripadnik Službe se vraća u zvanje koje je imao neposredno prije dodjele zvanja zbog naročitih okolnosti.
- (9) Ukoliko pripadnik Službe bude vraćen u zvanje sukladno stavku (8) ovog članka, ima pravo na napredovanje u zvanje sukladno članku 2. ovog Pravilnika tek protekom vremenskog perioda računajući od dana kada je vraćen u zvanje sukladno stavku (8) ovog članka.“

Članak 2.

Ovaj pravilnik stupa na snagu danom donošenja.

Broj: 01-02-2-10044/19
28.06.2021. godine
Sarajevo

